


安陸縣志



安陸縣志

重修安陸縣志跋



古稱三不朽一在立言言莫尊
於經莫備於史志與史實相表
裏非三長夙具者未易操觚也
辛亥秋余出宰安陸李生慈澤
謹奉其先廉訪碧山公所纂邑
志來謁詢厥端未始悉先生遠

安陸縣志

卷首

張跋

摻沈志之遺近撮蔣李二君之
要廣集眾長折衷一當以成是
書乃甫付剞劂而遽赴道山其
封君巽菴太翁實蒞陳事余泣
卽也晚未獲親公之言論手采
以爲政教資及讀是書歎其博
稽載籍綜覈往事擇焉精語焉

詳允合春秋謹嚴之例是公考古之確也又嘗循行疆野以察民間利病覺風土之醴厚山川之形勝與夫天時地氣之占應按諸志而若合符節也蓋公之徵諸今者其言明且清也又如此然則公雖往矣而是編之宏

綱鉅目貺我良多去年五月生以余案牘稍暇乞爲文以弁卷首方執筆而適以軍事奉檄倉猝去今年春權襄陽篆生郵書索稿竊念安州故人文淵藪自漢唐以來名賢碩儒班班可攷逮我

國朝掇甲科歷仕宦者代不乏人凡有著述皆炳炳在人耳目而是書則尤稟經作則與史爲體足以震古鑠今爲一邑二百年來文獻之徵者所關實鉅公之立言其不朽矣抑又喜生之惓惓手澤將由公之文章以求

公之經濟異日服古大官所爲媲美於前人者胥於是而卽巽菴太封翁猶且拭目俟之生其勉乎哉咸豐癸丑五月旣望

欽賜

花翎補用同知署襄陽縣事安陸縣知縣道光乙酉拔貢壬辰舉人永綏張開霽曉峯氏謹跋

重修安陸縣志叙

志與史一也作者三長備擅自古難言况職司迭更數手意見各歧蒐討務廣博必失之繁採訪憑傳聞未免於俚此而欲訂定一編俾信今而傳後則尤非

安陸縣志

卷首

具過人之才學識者不足以任其事而觀厥成安陸縣志之殘闕久矣自康熙中沈茶庵遺有殘本踵而修者蔣蔣村參軍李遠山博士遠拾旁搜厥功亦偉然皆以有故未能卒業會邑紳

李公碧山由西秦觀察歸林下
慨然於志乘之修非異人任欲
纂定付梓而病舊稿尙未完善
時守安州者爲周景垣前輩百
廢具舉政通人和又其學問淵
邃碧山藉以共相考訂而志乃
得付諸剞劂焉余自癸卯之秋
恭膺

安陸縣志

卷首

二

簡命視學楚北歲試各屬例首德安

安陸係附郡首邑其士多英秀
閱其試藝亦頗循循有規矩竊
謂非賢守令之栽培與鄉先達

之表率不至此今春科試值梓
務告竣下車後亟取而閱之乃
知二公之嘉惠邑人卽此已足
爲振興文教之資夫使任舊志
散佚置不圖修修而不悉心釐
正王喬鳧履左慈羊鳴譏將不

免茲則質而非疏詳而得體繼
乎前而功不虛垂諸後而治有
賴披閱之餘令人想見其才學
識之卓絕一時爲能相與以有
成也抑又聞之安州士民純秀
鄒魯同風江漢間素稱易治自

今以往從政者得按籍而稽以
敷善俗宜民之化行見人才輩
出必有與許郝宋鄭諸賢後先
濟美者安邑之幸亦全楚之光
其不虛使者之厚望也夫

賜進士出身

安陸縣志

卷首

四

欽命翰林院編修 武英殿纂修提

督湖北全省學政加三級紀錄
十次王履謙謹撰

纂脩安陸縣志序

吾縣安陸之名始見於漢而志乘之可考者斷自前明正統間繼而成化正德隆慶時皆有續述萬厯己卯陳心叔先生又脩之然皆麗郡爲書至

國朝康熙丙午始有沈茶庵先生之縣志焉茶庵名會霖邑人也當戎馬蹂躪之餘任徵文考獻之事而簡編灰燼者舊晨星故其書多訛舛錫少時緡閱殘本謬思有以補正而未逮會錢

塘蔣蔣村先生以慈谿司訓來
官德安經歷嘗縮吾邑篆慨然
以修志爲任乃屬稿未竟而有
孝感分縣之調維時錫亦有南
安之行蒙以邳城餞別圖爲贈
且賦詩見意許攜稿卒業於還

越甲午冬錫假旋里門聞蔣君
權知廣濟以事去任亟走幣請
其稿以還屬同年李姻丈遠山
輟次之錫尙未寓目也不意駑
劣不材由關中鐫職歸里今年
癸卯李君又之嘉魚校官任遂

歸稿於錫錫披覽一再始知蔣君處郡之日不憚跋涉一水一山必窮其源委而分其脈絡故其志山川也考證明確縷晰條分令人有臥游之樂惟於星野田賦名宦人物間爲衆說所亂

鮮克折衷且訖墨在甲午以前官師選舉續出不備適工部主政南城梅小素先生改官安陸甫下車殷念城垣邑志以告於錫夫脩志素志也謀此者已久今邑父母雅慮觀成錫曷敢以

一行作吏遂廢操觚耶迺發藏
書借舊友分類考閱徵引必求
根據討論悉酌古今芟其繁蕪
補其闕略每一卷出先呈於
郡伯周景垣先生暨梅邑侯
而後定凡夫天時地利人事纖

細畢具編卷四十再踰時而蕝
事眎昔之殘闕譌舛或不爲無
功錫於此竊有感焉溯沈志成
編以後閱百年無議其事者誠
難之也迨蔣君之稿出十年於
茲依然汗青無日茫茫墜緒人

視如賒其成何能險度矧志猶
史也世固有芸案窮年駢四儷
六則有餘屬辭比事則罔措者
炫文必浮比眾必濫以激揚之
鉅典供毛穎之倒持雖成不如
勿成然則錫之率爾執筆者豈

得已乎哉今藉郡邑大夫之持
平審視以備一邑百七十年久
闕之書俾安陸之名由漢迄今
不失爲望緊謂非幸耶是役也
襄事友人楊君存煥陸君兆璜
李君維駒程君雲鴻孔君廣新

寇君溥例得備書若夫捐貲以
付梓人則趨庭之命也稿旣成
勉綴數語庶後此者知其緣起
容俟剞劂工竣浼當路椽筆序
而行之道光二十三年冬十月
朔邑人李廷錫撰

脩志姓名

主脩

翰林院編修 武英殿纂修提督湖北全省學政王履謙

鑒定

卽用 道德安府知府周啟運

安陸縣知縣梅體萱

參閱

安陸縣學教諭童塚

教諭銜安陸縣學訓導桂常青

原纂

安陸縣志

卷首

脩志姓名

原任廣濟縣知縣蔣炯

復纂

嘉魚縣學教諭李道平

監修兼捐刻

中憲大夫李承學

纂修

原任陝西全省督糧分巡西乾鄜道李廷錫

分修兼編次

候選訓導楊存煥

增貢生陸兆璜

廩

膳

生孔廣新

增

廣

生李維駒

廩

膳

生程雲鴻

監

生李塾仁

候

選

訓

導李廷鈺

校字兼采訪

廩

膳

生徐麟

附

學

生李藻

郡

庠

生李喬雲

附

學

生李塾學

安陸縣志

卷首

修志姓名

二

監

生李廷鈞

附

學

生李廷鑄

繪圖

試

用

訓

導寇溥

檢查文卷

府

禮

房

書

吏胡明昶